



UNIT KORPORAT DAN PERHUBUNGAN AWAM

MAKLUMAT MPJBT MELALUI AKHBAR UNTUK BULAN FEBRUARI 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	02-2017/001	06.02.2017	Sinar Harian	Info PBT	Daerah pertama miliki mini hidro
2.	02-2017/002	06.02.2017	Utusan Malaysia	Info PBT	4 PBT masih belum adakan sesi Town Hall
3.	02-2017/003	13.02.2017	China Press	Info MPJBT	MPJBT tolong kurangkan pembiakan 60 ekor kucing
4.	02-2017/004	13.02.2017	Harian Metro	Info MPJBT	Kembiri kawal kucing terbiar
5.	02-2017/005	13.02.2017	Kosmo	Info MPJBT	MPJBT tawar khidmat kembiri kucing RM50 seekor
6.	02-2017/006	13.02.2017	Utusan Malaysia	Info PBT	Sebar maklumat masyarakat rendah karbon
7.	02-2017/007	14.02.2017	Utusan Malaysia	Info MPJBT	MPJBT lancar program kembiri
8.	02-2017/008	15.02.2017	Sinar Harian	Info PBT	Johor catat peningkatan kes denggi
9.	02-2017/009	23.02.2017	Sinar Harian	Info MPJBT	Jual minyak wangi sara anak
10.	02-2017/010	26.02.2017	Mingguan Malaysia	Info PBT	Forest City beri hasil RM50 juta
11.	02-2017/011	27.02.2017	Berita Harian	Info PBT	40 peratus hasil PBT untuk pembangunan
12.	02-2017/012	27.02.2017	Sinar Harian	Info PBT	40 peratus hasil PBT untuk pembangunan
13.	02-2017/013	27.02.2017	Utusan Malaysia	Info PBT	Hasil PBT untuk rakyat
14.	02-2017/014	28.02.2017	Sinar Harian	Info PBT	Bandar Baru Kangkar Pulai perlu dewan
15.	02-2017/015	28.02.2017	Harian Metro	Info MPJBT	5 jawatankuasa penduduk terima 200 anak pokok cili

RINGKASAN LAPORAN UNTUK BULAN FEBRUARI 2017:

JENIS ARTIKEL	JUMLAH
ADUAN	0
INFO MPJBT	6
INFO PBT	9
JUMLAH	15



MAJLIS PERBANDARAN JOHOR BAHRU TENGAH

No. Daftar : 02-2017/001
Tarikh : 06.02.2017 (Isnin)
Jenis Akhbar : Sinar Harian
Jenis Artikel : Info PBT
Tajuk Artikel : Daerah pertama miliki mini hidro

Daerah pertama miliki mini hidro

Kerjasama dengan syarikat Jepun teroka mini hidro di Tanjung Piai

PONTIAN - Pontian bakal menjadi daerah pertama di negeri ini memiliki mini hidro bagi menjana kuasa elektrik daripada sumber air yang akan dibangunkan oleh syarikat Toyama City dari Jepun.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, memandangkan daerah ini terletak di dalam kawasan pembangunan Iskandar Malaysia, projek mini hidro dilihat mampu melahirkan masyarakat rendah karbon.

"Projek mini hidro dengan kos RM50,000 itu akan dibangunkan sepenuhnya oleh Toyama City dan dijangka akan bermula pada Mac depan.

"Jika sebelum ini kawasan hidro memerlukan sungai yang besar, tetapi mini hidro yang akan dibina di Tanjung Piai menggunakan

kuasa air yang merupakan sesuatu yang baru di negara ini," katanya.

Beliau berkata demikian ketika melancarkan sesi Town Hall peringkat MDP di Dewan Jubli Intan Sultan Ibrahim, di sini, kelmarin.

Ayub berkata, Pelan Tindakan Masyarakat Rendah Karbon 2025 dilancarkan pada tahun 2015 melibatkan lima Pihak Berkuasa Tempatan (PBT) di koridor ekonomi Iskandar Malaysia.

Menurutnya, PBT terlibat ialah Majlis Perbandaran Pasir Gudang (MPPG), Majlis Bandar Raya Johor Bahru (MBJB), Majlis Perbandaran Johor Bahru Tengah (MPJBT), Majlis Perbandaran Kulai (MPKu) dan Majlis Daerah Pontian (MPD).

Bagaimanapun menurutnya, hanya MDP mengadakan sesi Town Hall bersama



Ayub Rahmat (tengah) menunjukkan buku pelan tindakan masyarakat rendah karbon oleh Majlis Daerah Pontian (MDP) selepas pelancaran sesi Town Hall di Dewan Jubli Intan Sultan Ibrahim.

masyarakat setempat bagi memberi penerangan mengenai masyarakat rendah karbon yang melibatkan 12

tindakan dan 197 inisiatif.

"Saya berharap, empat PBT lain di kawasan Iskandar Malaysia turut sama meng-

ikuti jejak MPD untuk mengemukakan program sesi Town Hall bagi menjelaskan kepada penduduk," katanya.

Sementara itu, Yang Dipertua Majlis Daerah Pontian, Kamaluddin Jamal berkata, Tanjung Piai menjadi lokasi pilihan bagi program pembangunan tenaga hijau yang diperbaharui dengan menggunakan air. "Kami mengalu-alukan penyertaan pelabur dari Jepun yang sudah menyatakan kesediaan membuat pelaburan projek mini hidro di sini.

"Projek ini kelak bakal menjadi perintis untuk diperluaskan bagi meningkatkan penggunaan tenaga elektrik dari sumber yang boleh diperbaharui sekali gus dapat memulihara bumi," katanya.

Kamaludin turut memberitahu, daerah Pontian juga mempunyai pusat jana kuasa tenaga solar di Rimba Terjun yang sudah dibangunkan oleh sebuah syarikat swasta, sejak lapan tahun lalu.





MAJLIS PERBANDARAN JOHOR BAHRU TENGAH

No. Daftar : 02-2017/002
Tarikh : 06.02.2017 (Isnin)
Jenis Akhbar : Utusan Malaysia
Jenis Artikel : Info PBT
Tajuk Artikel : 4 PBT masih belum adakan sesi Town Hall



4 PBT masih belum adakan sesi Town Hall

PONTIAN 5 Feb. - Empat pihak berkuasa tempatan (PBT) di Iskandar Malaysia perlu mengadakan sesi Town Hall dalam usaha memberi penjelasan tentang masyarakat rendah karbon.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, setakat ini hanya Majlis Daerah Pontian (MDP) sudah berbuat demikian dengan melibatkan 12 tindakan dan 197 inisiatif.

"Majlis Perbandaran Pasir Gudang (MPPG), Majlis Bandar Raya Johor Bahru (MBJB), Majlis Perbandaran Johor Bahru Tengah (MPJBT) dan Majlis Perbandaran Kulai (MPKu) masih tidak mengadakannya walaupun Pelan Tindakan Masyarakat Rendah Kar-

bon 2025 dilancarkan pada 2015.

"Pelan itu dilancarkan khusus bagi lima PBT di koridor ekonomi Iskandar Malaysia yang seharusnya menjadi perancangan dan agenda mereka," katanya ketika berucap melancarkan sesi Town Hall peringkat MDP di Dewan Jubli Intan di sini semalam.

Yang turut hadir, Pegawai Daerah Pontian, On Jabar@ Jaafar, Yang Dipertua MDP, Kamaluddin Jamal, Setiausaha MDP, Noor Faezah Md. Isa dan Ketua Whip MDP, Norzita A. Kahar.

Ayub berkata, maklumat mengenai masyarakat rendah karbon perlu diperjelaskan supaya orang ramai mengambil bahagian menjayakan program itu bagi kesejahteraan sejagat.

Jelasnya, penyampaian maklumat melalui ahli majlis, jawatankuasa perwakilan penduduk (JPP), penghulu dan ketua kampung dapat membantu mempercepatkan proses pemahaman mengenainya.

"Mereka adalah tenaga penggerak memberitahu masyarakat dan apabila mereka faham akan dapat mengamalkannya bermula dengan individu, keluarga dan akhirnya komuniti setempat," ujarnya.

Katanya, antara amalan mudah yang boleh dilakukan bagi mencapai masyarakat rendah karbon ialah dengan perkongsian kereta, tidak menggunakan lif, mengawal suhu penghawa dingin, menanam pokok, program berbasikal dan berjalan 10,000 langkah.



No. Daftar : 02-2017/003

Tarikh : 13.02.2017 (Isnin)

Jenis Akhbar : China Press

Jenis Artikel : Info MPJBT

Tajuk Artikel : MPJBT tolong kurangkan pembiakan 60 ekor kucing



▲阿迪阿兹哈里（右二）推介猫咪结扎醒觉运动，左一、二为黄顺财、莫哈末法力，右一为努鲁拉英。



▲猫主一早注册后，把猫咪带来中区市议会的“临时手术室”等候，现场可听见阵阵的“喵喵”声。

新山中區市會助減少繁衍 “為貓好” 60 貓咪結紮

（新山12日讯）喵、喵、喵……，新山中区市议会礼堂今早传来阵阵的猫叫声，一批由公众带来的家猫和野猫，在这里进行结扎手术，这是该市议会首次与非政府组织合作，意在提高民众的醒觉。

“猫咪结扎醒觉运动”（Program Kesedaran Kembiri 'STERILIZATION' Kucing Liar Dan Periharaan）是由中区市议会与挪亚方舟动物庇护所联办，共有60只猫咪在这项活动中被安排进行结扎手术。

将推行“狗狗”结扎

新上任的中区市议会主席阿迪阿兹哈里指出，这只是一个开始，往后该市议会也会进一步推行“狗狗”结扎手术，以提高民众的醒觉意识，减少猫狗数量之余，也解决猫狗带来的民生课题。

阿迪阿兹哈里指出，要管制辖区内猫狗引发的课题，最好的方式就是鼓励猫主、狗主，为自己的家猫、家狗安排结扎手术。

猫狗结扎 抵抗力更好

他说，一般人认为，为猫狗结扎是不人道的做法，但却没有意识到，已结扎的猫狗身体更健康、更健美、更肥胖。

“猫狗一旦结扎了抵抗力会更强，对饲主而言，猫狗不常生病也能减少花在它们身上的医疗费，毕竟动物医疗费比人高出许多。”

阿迪阿兹哈里说，中区市议会辖下一年接获有关猫咪的民生投诉平均为25宗；其中不乏猫儿干扰生活、制造环境卫生以及刮花邻居车子等投诉。

挪亚方舟负责结扎费

据了解，在今次活动中，野猫的结扎费皆由挪亚方舟庇护所全权负责，中区市议会则提供部分津贴予参与的猫主，因此，饲主只需缴付50令吉手术费，相对于外面的市价，即公猫85令吉和母猫150令吉的费用便宜许多。

阿迪阿兹哈里提醒，其实中区市议会有相关法令可对付被投诉的猫主，即开出500令吉的罚



▲完成结扎手术的猫咪，工作人员会在猫咪耳朵做记号，左为高昭华医生。



▲丘惠绫：当务之急是减少猫狗的繁殖量，避免延伸更多猫狗引起的民生问题。

单，惟他不希望通过这样的方式解决问题，而是希望教育民众为猫咪结扎，其效果会更好。

丘惠绫： 减缓猫狗过度繁衍

另一方面，挪亚方舟庇护所义工丘惠绫指出，猫狗一年大概会发情两次，其中，猫儿的情况尤其甚，一年或会有3次，而且一胎就会生出六七只，甚至到10只的小猫。

有鉴于此，她说，为猫狗结扎是刻不容缓的，否则猫狗越生越多，被遗弃的也越多，引发社区的种种问题。

“我们不希望这种循环继续下去，所以减少过度繁殖是其中可行的方法。”

中区市议会党鞭莫哈末法力、副党鞭余绍庆、环境卫生官员努鲁拉英；挪亚方舟庇护所创办人黄顺财以及兽医高昭华等，今日皆出席了猫咪结扎醒觉运动的推介活动。



MAJLIS PERBANDARAN JOHOR BAHRU TENGAH

No. Daftar : 02-2017/004
Tarikh : 13.02.2017 (Isnin)
Jenis Akhbar : Harian Metro
Jenis Artikel : Info MPJBT
Tajuk Artikel : Kembiri kawal kucing terbiar



ADIB (dua dari kanan) merasmikan Program Kesedaran Kembiri Kucing Liar dan Peliharaan di sini, semalam.

Kembiri kawal kucing terbiar

Johor Bahru: Majlis Perbandaran Johor Bahru Tengah (MPJBT) mengambil inisiatif mengadakan Program Kesedaran Kembiri (Sterilization) Kucing Liar dan Peliharaan untuk mengawal populasi binatang itu ke arah sebuah negeri yang sihat, selamat dan bersih.

Yang Dipertuanya, Adib Azhari Daud berkata, program yang julung kali diadakan menerusi Jabatan Kesihatan MPJBT itu turut mendapat kerjasama Noah Ark Natural Animal Shelter (NOAH), juga sebuah badan bukan kerajaan (NGO) yang memberi perlindungan haiwan berkenaan.

Beliau berkata, melalui program itu, masalah populasi kucing liar yang mula membimbangkan masyarakat secara tidak langsung dapat dibendung dengan mengenakan caj kembiri yang murah dan berpatutan oleh MPJBT.

“Kos kembiri yang di-

kenakan ke atas kucing jantan hanya RM50 berbanding RM85 mengikut harga pasaran. Manakala, bagi kucing betina pula, caj sama iaitu RM50 dikenakan berbanding harga pasaran yang lebih mahal RM15.”

“Program ini adalah kali pertama diadakan dan sebagai permulaan pendaftarannya ia terhad kepada 100 kucing membabitkan 70 kucing jantan dan 30 kucing betina,” katanya selepas menyempurnakan perasmian Program Kesedaran Kembiri Kucing Liar dan Peliharaan peringkat MPJBT di sini, semalam.

Turut hadir, Ketua Whip MPJBT, Mohd Farid Naim, Pengasas NOAH, Raymund Wee dan Pengerusi NOAH, Mariam Yusuf.

Adib Azhari berkata, MPJBT menerima 21 aduan tahun lalu membabitkan masalah kucing yang mendedangkan kacau ganggu.



MAJLIS PERBANDARAN JOHOR BAHRU TENGAH

No. Daftar : 02-2017/005
Tarikh : 13.02.2017 (Isnin)
Jenis Akhbar : Kosmo
Jenis Artikel : Info MPJBT
Tajuk Artikel : MPJBT tawar khidmat kembiri kucing RM50 seekor



PROGRAM kembiri yang dilaksanakan MBJBT akan dapat mengurangkan populasi kucing terbiar di jalanan. – Gambar hiasan

MBJBT tawar khidmat kembiri kucing RM50 seekor

JOHOR BAHRU – Majlis Perbandaran Johor Bahru Tengah (MPJBT) menawarkan perkhidmatan kembiri atau kasi kucing serendah RM50 seekor berbanding harga pasaran antara RM85 hingga RM150.

Yang Dipertuanya, Adib Azhari Daud berkata, program yang julung-julung kali ditawarkan kepada pemilik haiwan peliharaan oleh Jabatan Kesihatan Persekutaran MPJBT itu bertujuan mengawal populasi kucing di daerah ini.

Menurutnya, program berkenaan dilaksanakan selepas pihaknya menerima sebanyak 25 aduan setahun berkaitan kes gangguan kucing di sekitar kawasan perumahan.

“Ketika ini, program kembiri memberi tumpuan terhadap kucing peliharaan. Selepas ini, ia akan diperluaskan bagi anjing peliharaan dan liar,”



ADIB AZHARI

katanya selepas melancarkan program kesedaran kembiri di sini semalam.

Menurut Adib Azhari, program kembiri kucing tidak mendatangkan kemudaratan, malah pemiliknya dapat mengawal populasi haiwan peliharaan itu selain membantu meningkatkan kesihatannya.

Katanya, MPJBT mempunyai Undang-Undang Kecil Kacau Ganggu iaitu pemilik kucing yang gagal menjaga kebersihan boleh dikenakan kompaun sebanyak RM500.

“Bagaimanapun, itu bukan cara kita menyelesaikan masalah ini, sebaliknya perlu memberi kesedaran kepada pemilik kucing,” ujarnya.

Pemilik kucing yang berminat boleh menghubungi Bahagian Jabatan Kesihatan Persekutaran MPJBT di talian 07-5555 043 dan 07-5555 219.



MAJLIS PERBANDARAN JOHOR BAHRU TENGAH

No. Daftar : 02-2017/006
Tarikh : 13.02.2017 (Isnin)
Jenis Akhbar : Utusan Malaysia
Jenis Artikel : Info PBT
Tajuk Artikel : Sebar maklumat masyarakat rendah karbon



AYUB RAHMAT (tengah) membaca buku pelan tindakan masyarakat rendah karbon oleh Majlis Daerah Pontian (MDP) selepas pelancaran sesi Town Hall di Dewan Jubli Intan Sultan Ibrahim, Pontian, Johor, baru-baru ini.

Sebar maklumat masyarakat rendah karbon

PONTIAN 12 Feb. - Maklumat mengenai masyarakat rendah karbon perlu disebarluaskan supaya orang ramai turut serta mengambil bahagian menjayakan program berkenaan demi kesejahteraan sejagat.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, Pelan Tindakan Masyarakat Rendah Karbon 2025 telah dilancarkan pada 2015 bagi lima Pihak Berkuasa Tempatan (PBT), iaitu Majlis Perbandaran Pasir Gudang (MPPG), Majlis Bandaraya Johor Bahru (MBJB), Majlis Perbandaran Johor Bahru Tengah (MPJBT), Majlis Perbandaran Kulai (MPKu) dan Majlis Daerah Pontian (MDP).

Walaupun bagaimanapun, menurutnya, hanya MDP telah mengadakan sesi Town Hall kepada masyarakat bagi mereka lebih memahami agenda itu yang menggariskan 12 tindakan dan 197 inisiatif.

"Saya berharap, empat PBT yang lain di kawasan Iskandar Malaysia turut sama mengikuti jejak MDP menganjurkan sesi Town Hall bagi menjelaskan kepada orang ramai di kawasan masing-masing," katanya semasa melancarkan sesi Town Hall peringkat MDP di Dewan Jubli Intan Sultan Ibrahim, di sini baru-baru ini.

Yang turut hadir, Pegawai Daerah Pontian, On Jabar@Jaafar; Yang Dipertua MDP, Kamaluddin Jamal; Setiausaha MDP, Noor Faezah Md. Isa dan Ketua Whip MDP, Norzita A.

Kahar.

Ayub berkata, penyampaian maklumat menerusi beberapa pihak seperti ahli majlis daerah, Jawatankuasa Perwakilan Penduduk (JPP), penghulu dan ketua kampung dapat membantu mempercepatkan proses pemahaman mengenai perkara berkenaan.

"Mereka ini adalah tenaga penggerak bagi memberitahu masyarakat dan apabila faham, mereka dapat mengamalkan sekurang-kurangnya kepada individu, keluarga dan akhirnya komuniti setempat," katanya sambil memberi contoh kegunaan program 3R (Reduce, Reuse, Recycle) yang kini hanya mencapai lima peratus berbanding sasaran 22 peratus kerana masyarakat masih kurang kesedaran mengenainya.

Katanya, antara amalan mudah yang boleh dilakukan bagi mencapai masyarakat rendah karbon adalah dengan berkongsi kereta, tidak menggunakan lift, mengawal suhu penghawa dingin, menanam pokok, program berbasikal dan berjalan 10,000 langkah.

Dalam pada itu, Ayub memberitahu, MDP juga telah mengadakan perbincangan dengan pihak Toyoma City, Jepun bagi membangunkan projek hidromini di Tanjung Piai dan sekiranya berjaya, pembinaan itu akan ditaja sepenuhnya oleh pihak berkenaan yang turut memberikan pendedahan, pendidikan dan menjadi tarikan pelancongan baharu.



MAJLIS PERBANDARAN JOHOR BAHRU TENGAH

No. Daftar : 02-2017/007
Tarikh : 14.02.2017 (Selasa)
Jenis Akhbar : Utusan Malaysia
Jenis Artikel : Info MPJBT
Tajuk Artikel : MPJBT lancar program kembiri



MPJBT lancar program kembiri

JOHOR BAHRU 13 Feb. - Dalam usaha mengawal populasi kucing bagi menjadikan negeri ini lebih bersih dan sihat, Majlis Perbandaran Johor Bahru Tengah (MPJBT) menganjurkan program kesedaran kembiri haiwan tersebut peringkat daerah.

Yang Dipertua MPJBT, Adib Azhari Daud berkata, program tersebut pertama kali diadakan Jabatan Kesihatan Persekitaran MPJBT dan diharap dapat membendung masalah populasi kucing liar yang membimbangkan dengan caj kembiri serendah RM50.

Beliau berkata, kempen berkenaan dilakukan sebagai tindak balas MPJBT apabila menerima kira-kira 25 aduan setahun berkaitan haiwan tersebut yang mengganggu ketenteraman dan mengotorkan persekitaran tempat tinggal.

“Program yang menyasarkan penglibatan masyarakat ini merupakan platform terbaik bagi memberi kesan positif terhadap pemilik haiwan, masyarakat dan persekitaran.

“Pada masa ini, program kembiri memberi tumpuan terhadap kucing peliharaan terlebih dahulu. Selepas ini akan diperluaskan bagi anjing peliharaan dan liar pula,” katanya selepas melancarkan Program Kesedaran Kembiri, di sini.

Adib Azhari berkata, program kembiri haiwan peliharaan tidak mendatangkan kemudaratan, malah pemilik dapat mengawal populasi kucing dan anjing selain membantu meningkatkan kesihatan haiwan peliharaan berkenaan.

Menurutnya, program tersebut juga merupakan usaha MPJBT membantu orang awam yang kurang berkemampuan untuk membiayai kos kembiri di klinik haiwan, iaitu RM85 dan RM150, masing-masing bagi kucing jantan dan betina.

“Kita tidak mahu nanti pemilik bertindak membuang anak kucing yang masih kecil di jalanan apabila populasi haiwan itu tidak dikawal. Jadi, lebih elok program kesedaran ini dilakukan di peringkat awal,” katanya.



ADIB AZHARI (dua dari kanan) menyempurnakan perasmian Program Kesedaran Kembiri untuk kucing liar dan peliharaan peringkat MPJBT di Skudai, Johor Bahru, Johor, semalam.



MAJLIS PERBANDARAN JOHOR BAHRU TENGAH

No. Daftar : 02-2017/008
Tarikh : 15.02.2017 (Rabu)
Jenis Akhbar : Sinar Harian
Jenis Artikel : Info PBT
Tajuk Artikel : Johor catat peningkatan kes denggi



Johor catat peningkatan kes denggi

SEGAMAT - Jumlah kes denggi di negeri ini pada minggu keenam yang berakhir pada 11 Februari lalu mencatatkan peningkatan sebanyak 135 kes berbanding hanya 114 kes pada minggu sebelumnya.

Pengerusi Jawatankuasa Kesihatan dan Alam Sekitar negeri, Datuk Ayub Rahmat berkata, peningkatan sebanyak 18.4 peratus ini turut menyebabkan satu kes kematian melibatkan seorang perempuan berusia 45 tahun di Taman Mutiara Rini, Johor Bahru.

"Kumulatif kematian denggi pada minggu keenam ini ialah empat kematian iaitu dua di daerah Johor Bahru manakala Segamat dan Kluang masing-masing satu kes berbanding hanya tiga kematian pada tempoh sama tahun lalu.

"Bagaimanapun, kumulatif kes pada minggu keenam ini ialah 771 kes dan mencatatkan penurunan sebanyak 2,247 atau 74.5 peratus kes berbanding tempoh sama pada tahun lalu iaitu 3,014 kes," katanya.

Beliau yang juga Adun Kemelah berkata kepada pemberita selepas merasmikan Majlis Penyampaian Sumbangan Pasca Banjir Bank Simpanan Nasional (BSN) di Dewan Serbaguna Kampung Paya Pulau, di sini, semalam.



AYUB

Menurutnya, daerah Johor Bahru juga kekal mencatatkan kes tertinggi denggi di negeri ini yang menyumbang sebanyak 79.3 peratus dari jumlah keseluruhan kes diikuti oleh Kulai (8.1 peratus).

"Sebanyak 18 lokaliti wabak baharu juga telah dilaporkan dan lokaliti tersebut adalah di daerah Johor Bahru dan Kulai dan jumlah terkumpul wabak adalah 93 berbanding

196 lokaliti wabak bagi tempoh masa sama tahun lalu.

"Orangramai juga perlu lebih peka dengan masalah penularan wabak denggi ini dan dapat membersihkan persekitaran mereka supaya tidak menjadi tempat pembiakan nyamuk aedes sama ada ketika musim panas atau sebaliknya," katanya.

Justeru itu, beliau berharap orang ramai dapat meluangkan masa untuk membersihkan kawasan kediaman mereka bagi mengelak dikenakan hukuman dan paling utama bebas daripada wabak denggi.

"Masyarakat juga perlu sama-sama mengikis sikap kebergantungan terhadap pihak berkuasa tempatan (PBT) dan pejabat kesihatan daerah untuk membersihkan kawasan sekitar kediaman mereka daripada menjadi tempat pembiakan aedes," katanya.





MAJLIS PERBANDARAN JOHOR BAHRU TENGAH

No. Daftar : 02-2017/009
Tarikh : 23.02.2017 (Khamis)
Jenis Akhbar : Sinar Harian
Jenis Artikel : Info MPJBT
Tajuk Artikel : Jual minyak wangi sara anak

Jual minyak wangi sara anak

Ibu tunggal jadikan perniagaan atas talian sumber pendapatan utama

AZLINA OTHMAN

JOHOR BAHRU - "Sebagai ibu tunggal, saya perlu kuat dan tabah demi membesarkan anak-anak," ujar Norzila Kareem, 36.

Norzila yang tinggal di Desa Tebrau, di sini, berpisah dengan bekas suaminya dua tahun lalu dan kini berniaga minyak wangi secara atas talian sebagai sumber pendapatan utamanya.

Menurutnya, sebelum ini, dia pernah membuka kiosk di sebuah pasar raya untuk menjual minyak wangi tetapi ditutup pada tahun lalu kerana ekonomi tidak begitu baik.

"Akhirnya, saya terpaksa berusaha gigih untuk bangunkan perniagaan secara dalam talian pula.

"Alhamdulillah, saya memperoleh pendapatan sekitar RM2,000 sebulan dan saya sentiasa didik anak-anak saya yang berumur lapan dan sembilan tahun supaya bersyukur



Kesemua peserta Kursus Keusahawanan Ibu-ibu tunggal anjuran Yayasan Penyayang MPJBT dan Jabatan Khidmat Masyarakat MPJBT bergambar kenangan.

dengan rezeki yang ada dan dekatkan diri pada ALLAH," katanya.

Norzila merupakan antara 34 peserta yang menyertai Kursus Keusahawanan Ibu-ibu tunggal anjuran Yayasan Penyayang Majlis Perbandaran Johor Bahru

Tengah (MPJBT) dan Jabatan Khidmat Masyarakat MPJBT, di sini, semalam.

Hadir sama, Pengurus Yayasan Penyayang MPJBT, Fadzilin Abd Rashid.

Mengulas lanjut mengenai kur-

sus yang diikuti, Norzila berkata, pelbagai ilmu dan informasi berguna diperoleh untuk mengembangkan perniagaannya.

"Ketika saya berniaga di kiosk, saya tidak mempunyai lesen perniagaan dan menerusi kursus ini

saya telah nampak peluang dan ruang saya di masa hadapan," katanya.

Dalam pada itu, Setiausaha MPJBT merangkap Setiausaha Yayasan Penyayang MPJBT, Asri Amir berkata, sejumlah RM1.4 juta peruntukan diperoleh untuk tahun ini.

Katanya, peruntukan bertambah sebanyak RM400,000 berbanding RMI juta pada tahun lalu.

"Ya membabitkan sebanyak RM400,000 untuk biro pendidikan; RM400,000 untuk biro kebajikan; RM300,000 untuk biro badan bukan kerajaan (NGO) serta RM300,000 belia.

"Ya dijangka memanfaatkan se 15,000 penduduk di bawah kawasan seliaan MPJBT," katanya.

Menurutnya, sebanyak 60 program telah dijalankan pada tahun lalu dan dijangka akan bertambah lagi pada tahun ini.





MAJLIS PERBANDARAN JOHOR BAHRU TENGAH

No. Daftar : 02-2017/010
Tarikh : 26.02.2017 (Ahad)
Jenis Akhbar : Mingguan Malaysia
Jenis Artikel : Info PBT
Tajuk Artikel : Forest City beri hasil RM50 juta

Forest City beri hasil RM50 juta

Oleh MAZNAH MOHD. ARSAD
pengarang@utusan.com.my

■ ISKANDAR PUTERI 25 FEB.

PROJEK Forest City mampu membawa hasil minimum RM50 juta kepada pihak berkuasa tempatan (PBT) pada setiap tahun apabila siap kelak.

Menteri Besar, Datuk Seri Mohamed Khaled Nordin berkata, pendapatan itu termasuk kutipan dalam bentuk cukai tanah.

Beliau berkata, kutipan berkenaan boleh disalurkan semula kepada rakyat menerusi kemudahan yang dibangunkan.

“Di Johor, kita tiada minyak dan apabila kita melakukan pem-

Kita memerlukan lebih banyak kawasan rekreasi di Johor dan dalam usaha berkenaan juga, Sireh Park@Iskandar di kawasan seluas 138 hektar akan dibangunkan dan fasa pertama disiapkan pada tahun ini.”

MOHAMED KHALED NORDIN
Menteri Besar

bangunan seumpama ini akan mendatangkan hasil kepada kerajaan negeri pada setiap tahun.

“Ini hasil tambahan kepada PBT dan boleh disalurkan balik kepada rakyat menerusi kemudahan-kemudahan tertentu,” katanya dalam sidang akhbar selepas mengadakan lawatan ke kawasan Parlimen Gelang Patah, di sini hari ini.

Mohamed Khaled berkata, kerajaan negeri juga meletakkan sasaran supaya semua PBT membelanjakan 40 peratus daripada hasil kutipan bagi tujuan pembangunan kemudahan kepada penduduk dan masyarakat.

Beliau berkata, itu termasuk membangunkan kemudahan rekreasi, laluan pejalan kaki dan gerai bagi memenuhi permintaan rakyat untuk berniaga.

“Saya gembira kerana ini dilaksanakan Majlis Perbandaran Johor Bahru Tengah (MPJBT) dan diharap perkara berkenaan akan diteruskan oleh PBT.

“Malah kerajaan negeri juga meminta Pihak Berkuasa Wilayah Pembangunan Iskandar (IRDA) untuk menjalankan kajian bagi membangunkan beberapa kawasan lapang sebagai taman rekreasi termasuk untuk aktiviti berbasikal, sukan ekstrem dan riadah.

“Kita memerlukan lebih banyak kawasan rekreasi di Johor dan dalam usaha berkenaan juga, Sireh Park@Iskandar di kawasan seluas 138 hektar akan dibangunkan dan fasa pertama disiapkan pada tahun ini,” katanya.





MAJLIS PERBANDARAN JOHOR BAHRU TENGAH

No. Daftar : 02-2017/011
Tarikh : 27.02.2017 (Isnin)
Jenis Akhbar : Berita Harian
Jenis Artikel : Info PBT
Tajuk Artikel : 40 peratus hasil PBT untuk pembangunan

(FOTO HAIROL ANUAR RAHIM/BH)

Fakta nombor
RM99,000
PERUNTUKAN
bantu 400 pelajar Program Bantuan Subsidi Tambang Bas Sekolah 2017 anjuran Yayasan Pasir Gudang

Mohamed Khaled bersama pelajar yang menerima sumbangan selepas melancarkan Program Bantuan Subsidi Tambang Bas Sekolah 2017 di Pasir Gudang, semalam.

40 peratus hasil PBT untuk pembangunan

→ Johor mahu pastikan rakyat nikmati kemudahan terbaik

Oleh Junita Mat Rasid
junita@bh.com.my

► Pasir Gudang

Sebanyak 40 peratus hasil cukai diperolehi pihak berkuasa tempatan (PBT) perlu dibelanjakan untuk pembangunan di kawasan pentadbirannya bagi memastikan rakyat di kawasan itu menikmati kemudahan terbaik.

Menteri Besar, Datuk Seri Mohamed Khaled Nordin, berkata sasaran 40 peratus itu dijadikan sebagai petunjuk prestasi utama (KPI) di tetapkan kerajaan negeri kepada semua PBT di Johor bermula tahun lalu.

Menerusi KPI itu, PBT diminta melaksanakan lebih banyak pembangunan seperti membina dewan serba guna dan kemudahan lain yang boleh dimanfaatkan masyarakat setempat.

Sasaran KPI PBT
"Kalau duit dapat tetapi semua buat untuk pengurusan, gaji dan perkhidmatan, wang asyik (digunakan) untuk (atasi masalah) buang sampah sahaja, jadi tiada pembangunan.

"Rakyat juga perlu membantu dengan tidak membuang sampah... jangnan (buang sampah) menyebabkan longkang tersumbat sehingga kita perlu bayar untuk perkhidmatan.

"Oleh sebab itu, kita buat KPI 40 peratus untuk pembangunan dan perlu memastikan (kos) operasi tidak menggunakan belanja yang besar... itu yang kerajaan negeri buat keputusan," katanya.

Beliau berkata demikian pada sidang media selepas melancarkan Program Bantuan Subsidi Tambang Bas Sekolah 2017 anjuran Yayasan Pasir Gudang, di Dewan Taman Cendana di sini, semalam.

Yang turut hadir, Yang Dipertua Majlis Perbandaran Pasir Gudang (MPPG), Hasrin Kamal Hashim.

Mohamed Khaled berkata, beliau percaya menerusi penetapan KPI, lebih banyak lagi kemudahan dapat disediakan PBT di kawasan pentadbiran masing-masing, selain kemudahan sedia ada diperbaiki dan diselenggara dengan baik.

Subsidi tambang bas
Mengulas berhubung program subsidi tambang bas, beliau yang juga Pengerusi Yayasan Pasir Gudang, berkata program kali kedua itu membolehkan peruntukan RM99,000 untuk 400 pelajar daripada 287 keluarga.

"Menerusi program itu, pihak yayasannya membantu menampung atau menaja sebahagian bayaran pengangkutan pelajar ke sekolah, sekali gus meringankan beban keluarga," katanya.



MAJLIS PERBANDARAN JOHOR BAHRU TENGAH

No. Daftar : 02-2017/012
Tarikh : 27.02.2017 (Isnin)
Jenis Akhbar : Sinar Harian
Jenis Artikel : Info PBT
Tajuk Artikel : 40 peratus hasil PBT untuk pembangunan



40 peratus hasil PBT untuk pembangunan

PASIR GUDANG - Kerajaan Johor menetapkan agar 40 peratus hasil diperoleh pihak berkuasa tempatan (PBT) di negeri ini dibelanjakan untuk pembangunan rakyat.

Menteri Besar, Datuk Seri Mohamed Khaled Nordin berkata, sasaran tersebut merupakan Petunjuk Prestasi Utama (KPI) yang ditetapkan bermula tahun lepas.

Katanya, setiap PBT perlu melaksanakan projek yang dapat memenuhi kehendak rakyat, sekali gus mengangkat kesejahteraan masyarakat.

"Kalau duit dapat tapi keseluruhannya dibelanjakan untuk pengurusan dan gaji, jadi takkan ada pembangunan.

"Selepas letak KPI 40 peratus, PBT akan pastikan kos operasi tak melibatkan belanja besar," katanya.

Menurutnya, rakyat juga perlu bantu PBT mengurangkan kos operasi seperti tidak membuang sampah sesuka hati sehingga mereka terpaksa membayar kos per-



Mohamed Khaled (tiga, kiri) menyampaikan bantuan subsidi tambang bas sekolah kepada penerima di Taman Cendana, semalam.

khidmatan yang tinggi.

Beliau berkata demikian selepas Majlis Pelancaran Program Bantuan Subsidi Tambang Bas Sekolah 2017 di Taman Cendana, di sini, semalam.

Sementara itu, Mohamed Khaled berkata, Yayasan Pasir Gudang yang juga penganjur Program Bantuan Subsidi Tambang Bas Sekolah 2017 memperuntukkan sebanyak RM99,000 bagi tujuan berkenaan pada tahun ini.

Menurutnya, pengagihan bantuan subsidi tersebut di-

sasarkan kepada tiga fasa yang mana fasa pertama mem-babitkan 400 pelajar daripada 287 keluarga sekitar Pasir Gudang.

"Daripada 400 pelajar, 267 adalah pelajar sekolah menengah, manakala 133 murid sekolah rendah yang menerima manfaat bagi fasa pertama pelaksanaan.

"Kita berharap dengan adanya bantuan sedemikian tidak akan timbul lagi isu anak-anak yang tak mahu ke sekolah kerana masalah pengangkutan," katanya.



MAJLIS PERBANDARAN JOHOR BAHRU TENGAH

No. Daftar : 02-2017/013
Tarikh : 27.02.2017 (Isnin)
Jenis Akhbar : Utusan Malaysia
Jenis Artikel : Info PBT
Tajuk Artikel : Hasil PBT untuk rakyat



MOHAMED Khaled Nordin bergambar bersama pelajar yang menerima subsidi tambang bas di Taman Cendana, Pasir Gudang, Johor Bahru, semalam.

Kerajaan negeri tetap KPI untuk tingkat kemudahan, kesejahteraan masyarakat

Hasil PBT untuk rakyat

Oleh **NURUL HUDA HASSAN**
utusan.johor@gmail.com

■ JOHOR BAHRU 26 FEB.

SEBANYAK 40 peratus hasil yang diperoleh pihak berkuasa tempatan (PBT) perlu dibelanjakan untuk pembangunan dalam usaha memastikan rakyat dapat menikmati kemudahan yang terbaik.

Menteri Besar, Datuk Seri Mohamed Khaled Nordin berkata, jumlah tersebut merupakan petunjuk prestasi utama (KPI) yang ditetapkan kerajaan negeri terhadap semua PBT bermula tahun lalu.

Menurutnya, menerusi KPI

yang ditetapkan itu, PBT diminta melaksanakan lebih banyak pembangunan seperti membina dewan raya atau dewan serbaguna dan kemudahan lain yang boleh dimanfaatkan masyarakat.

“Semasa bermesyuarat dengan semua PBT tahun lepas, kita dah tetapkan KPI iaitu 40 peratus hasil mereka perlu dibelanjakan untuk tujuan pembangunan, sekaligus mampu merancakkan lagi pertumbuhan.

“Kita memang telus supaya rakyat boleh menilai, kalau dulu mungkin tak tahu apa yang dibelanjakan tapi sekarang memang kita minta supaya kemudahan rakyat dipertingkatkan seperti dewan. Ia penting untuk mereka

buat kerja kahwin dan sebagainya,” katanya selepas melancarkan Program Bantuan Subsidi Tambang Bas Sekolah di Dewan Taman Cendana, Pasir Gudang di sini hari ini.

Turut hadir, Yang Dipertua Majlis Perbandaran Pasir Gudang (MPPG), Hasrin Kamal Hashim.

Mohamed Khaled yang juga Ahli Dewan Undangan Negeri (ADUN Permas) percaya dengan KPI tersebut, lebih banyak kemudahan dapat disediakan PBT di bawah kawasan pentadbiran masing-masing selain infrastruktur sedia ada diperbaiki dan diselenggara dengan baik.

Pada masa sama, beliau meminta rakyat supaya bersama-

sama menjaga kemudahan yang disediakan itu dengan baik.

Mengulas bantuan tersebut, beliau berkata, program kali kedua itu dilaksanakan menerusi Yayasan Pasir Gudang (YPG) dan pada tahun ini sebanyak RM99,000 diberikan yang dilaksanakan dalam tiga fasa.

Mohamed Khaled yang juga Pengerusi YPG memberitahu, menerusi bantuan tersebut pihak yayasan membantu dengan menampung atau menaja sebahagian kos bayaran pengangkutan pelajar ke sekolah kepada pengusaha bas yang dilantik.

“Bagi fasa pertama tahun ini, seramai 400 pelajar melibatkan 287 keluarga menerima bantuan itu,” katanya.



MAJLIS PERBANDARAN JOHOR BAHRU TENGAH

No. Daftar : 02-2017/014
Tarikh : 28.02.2017 (Selasa)
Jenis Akhbar : Sinar Harian
Jenis Artikel : Info MPJBT
Tajuk Artikel : Bandar Baru Kangkar Pulai perlu dewan



Bandar Baru Kangkar Pulai perlu dewan



Ayub (kanan) memaklumkan permasalahan dihadapi penduduk kepada Farizal (empat, kiri).

KANGKAR PULAI - Majlis Perbandaran Kulai (MPKu) disaran membina dewan raya bagi kemudahan kira-kira 7,000 penduduk sekitar Bandar Baru Kangkar Pulai dan taman perumahan berhampiran selepas mengambil alih kawasan itu sejak 2016.

Ahli Majlis MPKu, Ayub Yasir berkata, kawasan berkenaan bawah pentadbiran pihak berkuasa tempatan (PBT) terdahulu dan kini diambil alih MPKu berikutan persempadanan semula.

Menurutnya, selepas mengambil alih beberapa kawasan di sebelah utara kawasan Kangkar Pulai, termasuk Ulu Choh,

Taman Pulai Emas Bandar Baru Kangkar Pulai, Pulai Jaya 1 dan 2 keperluan membina dewan raya untuk penduduk adalah wajar.

"Kita mencadangkan supaya dewan raya dibina di kawasan ini.

"Malah ia dianggap sesuai apabila persempadanan semula, semua dewan raya di sini adalah milik Majlis Perbandaran Johor Bahru Tengah (MPJBT).

"Justeru kita berharap cadangan ini akan dipertimbangkan selain menaik taraf beberapa kemudahan sedia ada untuk keselesaan penduduk," katanya.

Beliau berkata demikian

pada sidang media di Taman Pulai Emas, sempena lawatan kerja ke Zon Satu, Yang Dipertua, MPKu, Farizal Ismail, di sini, Jumaat lalu.

Selain mencadangkan pembinaan dewan raya, beliau turut menggesa MPKu, menaik taraf gerai milik PBT itu khususnya di kawasan Ulu Choh, membina gelanggang futsal untuk kemudahan belia beriadah selain memaklumkan pelbagai masalah dihadapi penduduk.

Sementara itu, Farizal berkata, tujuan lawatan kerja ke Zon Satu MPKu bagi meninjau permasalahan setempat yang dihadapi penduduk bagi mencari penyelesaian.



MAJLIS PERBANDARAN JOHOR BAHRU TENGAH

No. Daftar : 02-2017/015
Tarikh : 28.02.2017 (Selasa)
Jenis Akhbar : Harian Metro
Jenis Artikel : Info MPJBT
Tajuk Artikel : 5 jawatankuasa penduduk terima 200 anak pokok cili



5 jawatankuasa penduduk terima 200 anak pokok cili

Sebanyak 200 anak pokok cili diserahkan kepada lima jawatankuasa penduduk sekitar Majlis Perbandaran Johor Bahru Tengah (MPJBT) menerusi Program Pertanian Bandar, semalam.

Pengerusi Yayasan Penyayang MPJBT, Mohammad Khairi A Malik berkata, langkah itu dilakukan bagi mengurangkan kadar kemiskinan dan membantu meningkatkan taraf sosio-ekonomi masyarakat berpendapatan sederhana.

Katanya, ia adalah projek perintis yang menelan kos RM5,000 bagi setiap lokasi pertanian dalam bandar yang menggunakan penanaman cili secara fertigasi.

“Lima lokasi yang terpilih adalah Taman Nusantara, Lima Kedai, Taman Impian



MOHAMMAD Khairi (depan lima dari kiri) bersama penerima projek tanaman cili fertigasi di Taman Nusantara, Gelang Patah.

Emas, Taman Desa Permai Kangkar Pulai dan Flat Kangkar Pulai.

“Di samping meningkatkan ekonomi penduduk, ia juga membantu penduduk meningkatkan ilmu pertanian, sekali gus menjadi usahawan dalam mengusahakan tanaman

cili secara berkelompok.

“Mereka juga dibimbing Jabatan Pertanian sepanjang tempoh proses penanaman sehingga proses memetik hasil,” katanya ketika ditemui selepas merasmikan Program Pertanian Bandar di Taman Nusantara di sini semalam.

